



文懷沙 ◆ 主編

隋唐文明

第六十六卷

古吳軒出版社

文懷沙 ◆ 主編

隋唐文明

第六十六卷

上海大學「大學叢書」

古吳軒出版社

圖書在版編目(CIP)數據

隋唐文明／文懷沙主編．《隋唐文明》編纂委員會編
蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中
國—隋唐時代 N. Z121.7

中國版本圖書館CIP數據核字(2004)第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明
編：文懷沙
出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

印刷：江蘇淮陰新華印刷廠

本：889×1194 1/16

開印張：4027.5

總印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓(全100卷)

隋唐文明

第六十六卷目錄

全隋唐文十六

欽定全唐文一千卷(十四)(卷六六一至七〇四)

〔清〕董誥等纂

三

全隋唐文

十六



欽定全唐文卷六百六十一目錄

白居易六

除李遜京兆尹制

除孔戣等官制

除李建吏部員外郎制

除劉伯芻魏州刺史制

除周懷義豐州刺史天德軍使制

除某官王某魏博節度使制

除某節度留後起復制

欽定全唐文卷六百六十一

目錄

除薛平鄭滑節度使制

除盧士玟劉從周等官制

張正一致仕制

張正甫蘇州刺史制

崔清晉州刺史制

除柳公綽御史中丞制

除田興工部尚書魏博節度使制

除鄭餘慶太子少傅制

除裴堪江西觀察使制

贈杜佑太尉制

除孔戣萬年縣令制

除裴向同州刺史制

除武元衡門下侍郎平章事制

除李夷簡西川節度使制

除袁滋襄陽節度使制

歸登右常侍制

李程行軍司馬制

李飪虞部郎中制

欽定全唐文卷六百六十一

目錄

牛僧孺監察御史制

裴克諒量留制

張聿都水使者制

薛仵郎坊觀察使制

韓愈比部郎中史館修撰制

李暉安州刺史制

竇易直可給事中制

孟簡賜紫金魚袋制

盧元輔杭州刺史制

傅良弼可鄭州刺史制

張徹宋申錫可並監察御史制

楊子留後殷彪授金州刺史兼侍御史河陰令章

同憲授南鄭令章并授絳州長史三人同制

獨孤都司勳郎中知制誥制

錢徽司封郎中知制誥制

馮宿除兵部郎中知制誥制

盧元輔吏部郎中制

鄭覃可給事中制

欽定全唐文

卷六百六十一

目錄

三

韋審規可西川節度副使御史中丞李虞仲崔戎

姚向溫會等並西川判官皆賜緋各檢校省官

兼御史制

欽定全唐文卷六百六十一

白居易六

除李邕京兆尹制

近歲京兆長吏數遷職不便時抑有其故或鈐鍵不謹吏緣爲姦或鈎距太煩人受其弊既非中道皆不得已而罷之宜求恬智寬猛相濟者親諭斯旨使久於其職以息吾人浙江東道觀察使御史中丞李邕十年以來連守四郡或紛擾之際或荒饉之餘威惠所加罔不和輯實其殊績擢在大藩自臨會稽一如舊政況省科禁以便俗通津梁

欽定全唐文

卷六百六十一

白居易

一

以息征動違詔條深副朝旨江南列鎮良帥則多集課程功爾爲稱首而內史之選久難其人今予所求唯爾可使雖表率州部其委非輕然尹正京師所資尤急宜輟材於浩壤佇觀政於輦轂望爾有成無替厥命可權知京兆尹除孔戣等官制

渾金璞玉方圭圓珠雖性異質殊皆國寶也是故能官人者亦辨而用之諫議大夫孔戣靜專貞白不涉聲利執言守事無所依違駕部郎中薛存誠廉潔直方飾以詞藻中立不倚介然風規吏部員外郎王涯端明精實加之敏

懿文茂學尤推於時並歷踐朝行恪勤官次諫垣郎署諶其休聲宜加公獎擢在近侍左右禁閤可以同升必能評奏臺議發揚綸誥臨事有立屬詞可觀各隨所長分命以職祇奉乃事無替厥猷歟存誠並可給事中涯可兵部員外郎知制誥

除李建史部員外郎制

勅六官之屬選部郎首之歷代以來諸曹郎之中擇其踐歷久考第高加以有器局律度者遷焉今之選任亦由是矣兵部員外郎李建文行才理公勤課績可謂具美宜居欽定全唐文 卷六百六十一 白居易

厥官歲調方殷勉勤爾事可吏部員外郎

除劉伯芻號州刺史制

給事中劉伯芻以文雅才名給事左闔實掌駁議再逾歲時亦謂恪勤宜從遷轉而號畧近郡黎人未康藉爾良能爲予撫字懸賞佇効勉哉是行可授號州刺史

除周懷義豐州刺史天德軍使制

西受降城尤居邊要西戎北虜介乎其間委之郡符建以戎號將守之選宜乎得人前汝州刺史周懷義久列禁衛嘗從征伐又領軍郡率著勳功宜加獎用可屬憂寄况茲

要鎮實扼戎吭犄角諸軍扁鵲右地牧人訓旅兼領非輕無替前勞在申後効可豐州刺史天德軍使

除某官王某魏博節度使制

師長之選重難其人況河上列城鄴中雄鎮初喪良帥思安眾心若親與仁方膺是命某官王某出忠入孝根乎至性好學樂善出於餘力發自修已施於爲政可以守土可以長人今兩河之間三軍之帥是用命爾爾茲大藩澄清魏風輯理相土爲我垣翰永孚於休往其欽哉無替厥職可魏博等州節度觀察使

欽定全唐文 卷六百六十一

白居易

除某節度留後起復制

懋勲德者慶鍾於嗣襲忠順者教本於親於是乎有代及之恩有賞延之命所以光子道而激臣節也茲惟舊典可舉而行某官某惟乃祖父勤勞王家咸有忠功書於甲令降及於爾亦克負荷早承義訓久倅戎麾自懼憊凶能著誠敬恭俟朝命靖安人心雖在幼冲足可嘉獎今屬元戎初喪眾望昂然宜選親賢以爲統帥留府之事俾爾專之加戎秩以奪哀還冬卿以示寵奉揚新命無忘前修爾宜懋哉懸賞佇効可節度留後檢校工部尚書

除薛平鄭滑節度使制

武牢以東至於白馬形勢之地水陸之會宜擇文武兼備者以爲守臣右衛將軍薛平自司禁旅爲我爪牙訓整警巡能宣其力嘗使於絕國可謂有勞嘗收於大都亦聞有政況忠厚爲質通明爲用東吏道之刀尺襲將門之弓裘可以爲三軍之帥可以理千乘之賦俾輟才於北落往節制於東方爾宜式遏四封輯寧百衆明簡稽以實軍旅信賞罰以勸吏人勉率乃職無忝厥命仍以冬卿副相兼而寵之可檢校工部尚書兼御史大夫鄭滑潁等州節度使欽定全唐文

卷六百六十一

白居易

四

除盧士玟劉從周等官制

君有舉左史得書之政有關諫官得補之二職者歷朝之清選也前侍御史盧士玟嘗在西川時爲從事亂危潛伏能潔其身前監察御史劉從周頃佐宣城奉公守正端士之操終然不渝時所稱論並宜甄獎況學術詞藻見推於衆並命清貫僉以爲宜記事盡規各付能効士玟可起居郎從周可右補闕

張正一致仕制

前諫議大夫張正一學行器用爲時所稱擢居諫官冀効忠諫雖年齒未暮而衰疾有加所宜顧養不可牽率俾移優秩以從致政可國子司業致仕

張正甫蘇州刺史制

浙右列城吳郡爲大地廣人庶舊稱難理多選他郡二千石之良者轉而遷焉鄧州刺史張正甫自領南陽僅經三載廉平清簡以臨其人安政和理行第一宜以大郡推而廣之用旌前勞且付後効可蘇州刺史

崔清晉州刺史制

欽定全唐文

卷六百六十一

白居易

五

左司郎中崔清以才良行敏補尚書郎頗積功勳宜加獎任頃嘗爲郡亦聞有政平陽舊壤時謂名藩得才與能方可共理安人訓俗付有成績可晉州刺史

除柳公綽御史中丞制

勅中憲之設糾謬懲違一引其綱百職具舉非清與直不稱厥官諫議大夫柳公綽忠實有常文以詞學介然端直有古之遺風頃居臺憲累次郎位持平守正人頗稱之擢首諫司器望益重今副相缺位中司專席惟有守者可以執憲惟無私者可以閑邪詢事審官爾當是選光昭新命

振起舊章宜一乃心以揚其職可御史大夫

除田興工部尚書魏博節度使制

馭下安人其道不一或序能以次用或因効以拔才所命雖殊同歸共理某職某官田興時屬本軍初喪戎帥亂政威啟羣心不寧而興列在偏裨奮其義勇謀成必中事至能斷智畧所及指麾所加一軍獲安百眾附悅連獻章疏恭俟制命有節有理朕用嘉之夫以將材如彼軍情若此允膺不次之舉可責非常之功是用寵之冬卿擢為大將仍以印綬就拜軍中其敬之哉無墮乃力可檢校工部尚

欽定全唐文

卷六百六十一

白居易

六

書兼御史大夫魏博等州節度觀察等使

除鄭餘慶太子少傅制

東朝三少歷代重選不必備位在乎得人吏部尚書鄭餘慶貞明儉素有古人風發自修身施於為政出入中外多歷要重咸有勳績存於官次況勳中禮法學綜儒元是謂羽儀之臣可居師傅之任輔我元子爾其勉歟可太子少傅

除裴堪江西觀察使制

江西七郡列邑數十土沃人庶今之奧區財賦孔殷國用

所繫茲為重寄宜付長才同州刺史裴堪素著器幹久經任遇日者資其忠諫入為諫議大夫藉其良能出為左馮翊曾未周歲政立績成區區一郡未盡其用鍾陵要鎮可以委之夫簡其條章平其賦役徇公率正以臨其人而人不安未之有也祇服厥命往修乃官仍兼中憲以示優寵可江西觀察使兼御史中丞

贈杜佑太尉制

生有爵祿歿有哀贈此王者所以崇哀榮之禮厚君臣之恩況有輔臣所宜加等某官致仕佑以通濟之才公忠之

欽定全唐文

卷六百六十一

白居易

七

節逢時入用為國大臣外領藩鎮內參台鉉積勳盡悴迨過三紀左右於位亦既八年天不憖遺奪我元老惻然興歎實軫於懷永言褒榮俾峻禮命上公之秩用賁幽靈嗚呼錄舊旌勞知予不忘可贈太尉

除孔戢萬年縣令制

京邑令缺多擇尚書郎有才理者補之兵部員外郎孔戢自御史府遷夏官之屬凡所蒞職一心奉公在郎署間稱有名實加以文學緣飾吏能俾宰京劇行有成效

除裴向同州刺史制

馮翊之地密通郊畿分內史之政參京師之化俾善所職
其在得人京兆少尹裴向器蘊利用學通政事久試吏治
頗著良能累守大郡入亞天府奉上撫下皆有可稱左輔
之重爾膺其選况征賦猶重人庶未康實望良才與之共
治勉副所舉往修厥官可同州刺史

除武元衡門下侍郎平章事制

門下朕嗣守丕業殆將十年實賴一二輔臣與之共理故
外鎮方域則仗以爲將有絳侯厚重之質有郇吉寬大之
風自登台司克厭人望頃屬巴蜀軍後人殘權委節旄俾
欽定全唐文 卷六百六十一 白居易

八

往鎮撫信及夷貊思加疲瘵每因利以施惠不易俗而修
教政無苟得人用便安惠茲一方時乃之績報政既久屬
望益深宜歸左輔以參大政夫坦然公道可以敘眾才曠
然虛懷可以應羣務弼遠救失不以尤悔爲慮進善絀惡
不以親讎自嫌用此輔君足爲名相欽率是道往復乃官
可門下侍郎同中書門下平章事

除李夷簡西川節度使制

征鎮之大實惟蜀川西距於戎南漸於海有重江複山之
險有長穀堅甲之旅水陸交會華夷雜居曠能治之我有

良帥山南東道節度使李夷簡以正事上以簡臨下仗茲
器用累當任遇執憲之難也爾爲臺丞其職甚衆司計之
重也爾調邦賦其効可稱爰資長才出領重鎮自總符鉞
於漢之南專奉詔條削去弊政均穀籍不一之賦罷舟車
無名之征近悅遠來歸如流水俗用丕變人迄小康三載
考功爾爲稱首進其右秩遷於大藩以均惠乎四方以旌
勸乎羣吏昔文翁明於教化神嵩優於政能巴蜀之間遺
美猶在不替前効可以嗣之佇聞有成用光厥命可檢校
吏部尚書劍南西川節度等使

欽定全唐文 卷六百六十一

白居易

九

除袁滋襄陽節度使制

漢以二千石之良者入爲公卿周以六官之賢者出兼侯
伯內外之任所命則殊至於治軍國寵忠賢其致一也戶
部尚書袁滋奉上甚勤臨下甚簡安人拊眾尤是所長須
資其能移鎮東郡畧其科禁緩其征徭政不滋彰人用休
息在郡七載績成課高璽書徵還益聞遺愛老幼追述事
隣古人朕方勤卹疲民褒獎循吏累月再命其有旨哉舉
鄭滑之政也故旌武公之美寵以司徒憂襄漢之人也故
仗叔子之才委茲征鎮類能而使其在此乎勉揚厥聲無

替前効可某官充山南東道節度等使

歸登右常侍制

勅近侍之列騎省爲貴歷代迄今選任頗重必詢望實而後命之工部侍郎歸登朴忠沈厚心無詭詐介主不飾止水無波澹然自居以致名稱抱此素行歷踐清貫掌議左掖貳職冬官歲時滋深體望益茂可以備顧問應對之選列言語侍從之臣冠附貂蟬立之於右訪諸時論僉以爲然可右散騎常侍

李程行軍司馬制

欽定全唐文

卷六百六十一

白居易

十

隋州刺史李程頃自周行出分憂寄漢南大郡守之五年頗著良能宜當選獎况專習文學通知兵事西南重鎮初委元戎慎選副車爾當此舉三軍之重俾往貳之仍加憲職以示優寵可御史中丞劍南西川行軍司馬

李飫虞部郎中制

金州刺史李飫雅有文藝飾以政事早從史職久領郡符謹慎廉平頗副所任虞曹郎缺命以序遷敬茲寵命勉守厥位可尚書虞部郎中

牛僧孺監察御史制

河南縣尉牛僧孺志行修飾詞學優長頃對策於庭其詞亮直累從吏職頗謂滯淹訪諸時論宜當朝選俾升憲府以觀其才可監察御史

裴克諒量留制

華州刺史裴華陰令裴克諒在官清白奉法考秩向滿其政如初借留三年用觀成績朕方旌求良吏俾養黎元適副所懷宜可其奏

張聿都水使者制

前湖州長史張聿頃以藝文擢升朝列嘗求祿養出署外官名不爲身志亦可尚喪期既畢班序當還俾領水衡以從優秩可都水使者

欽定全唐文

卷六百六十一

白居易

十一

薛伾郎坊觀察使制

鄜時延安抵於中部羌夷種落散在其間戎夏雜居易擾難理宜選寬明之使通知邊事者委以符節而糾綏之右金吾將軍薛伾服勤戎職練達吏道出入中外綿歷歲年能一乃心以宣其力自加寵遇再執金吾微巡有嚴夙夜匪懈在公若是何用不臧况爲人沈靜內肅外和按俗守封是其所善宜輟務於誰何俾宣風於廉察庶乎勞徠諸

部綱紀列城奉詔條以安人參戎索以訓旅欽承厥命往復乃官仍踐冬卿式光重寄可檢校工部尚書充鄜坊等州觀察使

韓愈比部郎中史館修撰制

勅太學博士韓愈學術精博文力雄健立詞措意有班馬之風求之一時甚不易得加以性方道直介然有守不交勢利自致名望可使執簡列爲史官記事書法必無所苟仍遷郎位用示褒升可依前件

李暉安州刺史制

欽定全唐文

卷六百十一

白居易

十一

宿州刺史李暉敷閭之門嗣生才畧久參戎衛頗著勤勞試守列城觀其爲政屬汴泗之右創畫州居府署城池委之經始一日必葺三年有成且聞公勤宜有遷轉重分憂寄再佇良能往安吾人無忝厥命可安州刺史

竇易直可給事中制

前御史中丞竇易直器質智識厚重開敏文合法要學通政經累踐臺郎擢司邦憲寬猛舉措甚得其中官不易方府無留事前因病免今以才遽俾升瑣闥以備顧問凡制令奏議官獄典章苟有依違皆得駁正所任不細宜敬乃

官可給事中

孟簡賜紫金魚袋制

漢制二千石有政績者就加寵命不即改移蓋欲使吏久於官人安其化也常州刺史孟簡簡易勤儉以養其人政不至嚴心未嘗急曾未再稔績立風行歲課郡政毗陵爲最方求共理實獲我心宜加命服以示旌寵庶俾羣吏聞而勸焉宜賜紫金魚袋

盧元輔杭州刺史制

河南縣令盧元輔早以學藝列在周行嘗守商都頗聞有

欽定全唐文

卷六百十一

白居易

十一

政再領京縣益見其才江南列郡餘杭爲大征賦尤重疲人未康藉爾登車往分憂曠勞徠安輯稱朕意焉懸賞旌能以佇報政可杭州刺史

傅良弼可鄭州刺史制

勅金紫光祿大夫使持節沂州諸軍事行沂州刺史兼御史中丞騎都尉傅良弼燕翼之間紛擾之際多壘失守孤城保全介於險中率乃麾下轉戰郊野來觀闕庭徇義滅親忘家喪子忠勤勇烈人所難能若不褒升何勸來者海沂剖竹未足報功漆洧頒條可兼觀政敬承後命無替前

勞可使持節鄭州諸軍事行鄭州刺史兼御史大夫散官
勳如故

張徹宋申錫可並監察御史制

勅舊制副丞相缺中執憲得出入御史缺則於內外史中
考覈其實封奏其名以補之今御史中丞僧孺奏某官張
徹某官宋申錫皆方直強毅可監察御史章下丞相府丞
相亦曰可朕其從之並可監察御史

楊子留後殷彪授金州刺史兼侍御史河陰令章

同憲授南鄭令章并授絳州長史三人同制

欽定全唐文

白居易

西

勅某官殷彪等今之郡守古侯伯也今之邑令古子男也
於吏有君臣之道焉於人有父母之道焉郡邑之間承上
率下者州長史也凡此之官與吾共理使吾人安而無怨
者其在吏良而政平乎金秦之郡也奏告專達得行異政
以彪清平信惠臨事能守大小之職率著名績故仍憲簡
俾往牧之南鄭梁之邑也上有賢帥無憂掣肘以同憲河
陰有政可以移用故換銅印俾往宰之而絳為名藩升實
良士命之贊貳亦叶其宜宜各悉心修舉三職可依前件
獨孤都司勳郎中知制誥制

考功員外郎知制誥獨孤都學識文行時論所推選自外
郎擢居右閫綸言樞命既重且難委以發揮其聞稱職而
端諒忠謹介然自居為臣若斯足可嘉獎官當滿歲職亦
逾年宜從美遷以光近侍可司勳郎中知制誥

錢徽司封郎中知制誥制

勅中臺草奏內庭掌文西掖書命皆難其人也非慎行敏
識夙學懿文四者兼之則不在此選祠部郎中翰林學士
錢徽鵠然儒風粲然詞藻縝密若玉端直如絃自參禁司
益播其美貞方敬慎久而彌彰應對必見於據經奏議多

欽定全唐文

白居易

十五

聞於削藁迨今六載其道如初嘉其忠勤宜有遷擢俾轉
郎吏仍參綸閣茲乃榮獎爾其敬承可依前件

馮宿除兵部郎中知制誥制

勅吾聞武德暨開元中有顏師古陳叔達蘇頌稱大手筆
掌書王命故一朝言語煥成文章朕承祖宗思濟其美凡
選一才補一職皆不敢輕易其庶幾前事乎刑部郎中馮
宿為文甚正立意甚明筆力雄健不浮不鄙况立身守事
端方精敏而我詔命忽思潤色之聽諸人言曰宿也可宿
立朝歷御史博士郡守尚書郎在仕進途不為不遇然不

登茲選未足其心故吾子今歸汝職業仍遷秩爲五兵郎中勉繼顏陳無辱吾舉可尚書兵部郎中知制誥

盧元輔吏部郎中制

文苑英華卷三八九

勅六官之屬升降隨時獨吏部郎班秩加諸曹之右歷代迄今未嘗改也則其典職之重選用之精可知矣洛州刺史盧元輔淡於文敏於行加以剴犀之利洞膽之明挈而用之無往不適達領大郡至於三四刻詔副弊迎刃有聲宜付劇司俾之藻制曹選郎缺用爾補員歲調方殷佇揚乃職可尚書吏部郎中

欽定全唐文 卷六百六十一

白居易

十六

鄭覃可給事中制

勅給事中之職凡制勅有不便於時者得封奏之刑獄有未合於理者得駁正之天下寃滯無告者得與御史糾理之有司選補不當者得與侍中裁退之率是而行號爲稱職固不專於掌侍奉讀詔令而已中大夫行諫議大夫雲騎尉榮陽縣開國男食邑三百戶鄭覃清節直行正色寡言先臣之風鵠然猶在自居首諫益勵謇諤擢領是職必有可觀亦欲天下聞之知吾獎骨鯁之臣來諫諍之道也可給事中散官勲如故

韋審規可西川節度副使御史中丞李虞仲崔戎

姚向溫會等並西川判官皆賜緋各檢校省官

兼御史制

勅西川曰益部地有險府有兵礙戎屏華號爲難理故吾命文昌爲帥長俾鎮撫焉次命審規爲上介俾左右焉又命虞仲戎向會等爲庶寮俾咨度焉進言者謂文昌賢而審規輩才以才佐賢蜀必理矣輟三署吏贊丞相府假憲官職加臺郎暨一命再命之服以遣之其於張大光榮與四方征鎮之賓寮不侔矣爾等苟佐吾丞相以善政聞使欽定全唐文 卷六百六十一 白居易 十七

吾無一方之憂吾寧久遺汝於諸侯乎爾其勉之可依前

件

欽定全唐文卷六百六十二目錄

白居易七

魏博軍將呂冕等從宏正到鎮州各加御史大夫

賓客等制

張平叔可戶部侍郎判度支制

李虞仲可兵部員外郎崔戎可戶部員外郎制

牛僧孺可戶部侍郎制

庾承宣可尚書右丞制

張聿可衢州刺史制

欽定全唐文

卷六百六十二

目錄

辛邱度可工部員外郎李石可左補闕李仍叔可

右補闕三人同制

魏博軍將薛之縱等十四人各授官爵制

裴度李夷簡王播鄭絳楊於陵等各賜爵并迴授

爵制

鄭餘慶楊同懸等十人亡母追贈郡國夫人制

李寅授咸陽令制

程羣授坊州司馬制

海州刺史王元輔加中丞制

楊潛可洋州刺史李繁可遂州刺史備可濠州

刺史制

張洪相里友畧並山南東道判官同制

姚成節右神策將軍知軍事制

高鉞等一十人亡母鄭等太君制

柳公綽可吏部侍郎制

孔戣可右散騎常侍制

王公亮可商州刺史制

韋觀可給事中庾敬休可兵部郎中知制誥同制

欽定全唐文

卷六百六十二

目錄

李愬贈太尉制

田布贈右僕射制

韋貫之可工部尚書制

太子詹事劉元鼎可大理卿兼御史大夫充西番

盟會使右司郎中劉師老可守本官充盟會副

使通事舍人太僕丞李武可守本官兼監察御

史充盟會判官三人同制

許季同可祕書監制

張元夫可禮部員外郎制

二